

鄧海濱著

世界書局印行

環遊二十九國記



目次

序	一一二
贅言	一一二
日本	一一〇
美洲五國	一七七
美利堅	一
墨西哥	二九
巴拿馬	三四
古巴	四四
加拿大	五九
法蘭西	一一九
瑞士	一二九

意大利……麻納哥……	一一三八
奧大利……	一一一〇
匈牙利……	一一一七
捷克斯拉夫……	一一一二
德意志……	一一一八
瑞典……挪威……丹麥……	一一一六
荷蘭……	一一一三
比利時……盧森堡……	一一一四
英吉利……	一一二〇
葡萄牙……西班牙……	一一二三
地中海東岸諸國——非洲——歸途……	一一〇〇
希臘……	一
土耳其……	一七

西里亞……………三四

巴力士登……………四二

埃及……………四六

印度……………七四

新加坡……………八二

安南……………八七

旅行意見……………一九

中西文人名地名對照表……………一六

附索引……………一一〇

瑞士

1

二十四日因未起程赴瑞士。往遊芳森林Bois de Vincennes。巴黎有二森林。謂如人之兩肺葉。前曾二游一森林。今乃更遊芳森森林。以見法國人對於市政培林之注意。

此林大於前者。亦有人工之湖。可以泛艇。張君遜之自云長於掉艇。乃週遊全湖。碧水晶瑩。打槳所經。激成微波。推波成縐。有如羅綺。而白鵝三五。相逐蕩漾。似解人意。來相迎迓。四望叢林。覺無邊際。但見綠陰接天而已。

倦遊而歸。見有上海報至。出國以來。此爲第二見。蓋三藩市後。直至今日始再見也。遂坐閱數時。未再出門。大都明日黃花。而日俄陰結。日本出兵山東。蓋明目張胆。

則於報端見之。當在里昂時。進步報記者來訪。余以法報載山東日兵橫暴事。每多爲日本所蔽。彼間有何證據。余曰日本不能出兵山東。猶中國之不能出兵東京橫濱。今日本竟蔑公理而出此。則當其出兵時。卽其橫暴時。何至殺我官民。而法報尙爲所蒙也。該記者唯唯。次日猶載其一半。隱其一半。我不自強。決無公理可言。我國人同志千萬以理自裁。庶內固而外能競。萬勿惟勢惟權之自爭。拱手讓帝國主義及軍閥官僚之張目。

二十五日午十一時有奇。與蕭君錫三乘火車赴瑞士日內瓦 Geneva。車由東南行。所過除城鎮外。其鄉村則田中草長。人工少施。以視吾國農民。慚色實多。卽遇見耕者。其雍容亦與官紳等。豈法人安詳之態度。農民亦一致耶。

晚八時後。至瑞士境。遙見雪山。過境時口云查護照。實一打照面卽了事。蓋瑞士招徠遊客。爲國家社會收入之大宗。故取寬大主義也。

已至。住湖邊一旅館。一望湖中燈火。有如萬點明星。遊興勃發。步行湖畔。渡橋而南。此橋名白山。跨湖南北。橋下綴以電燈。有如火龍。抵湖南岸。再雇汽車週遊全市。入夜不過十時。行人稀少。以視巴黎十時以後正熱鬧者。大不同矣。

於此有一事足記。當余初至歐時。夜間不寐。直至將寐，則天亮矣。殊以爲苦。莫知其由。及汝爲等到歐亦如此。始悟美歐時間相差數小時。歐洲天亮之時。正美洲就寢之時。故初至歐。習慣不改。非至天亮不能寐也。且歐洲鐘點提早一時。故歐洲每當八時後。天猶未黑。余在國內雖非夜十時就寢不可。在歐則能延至十一時矣。若至那威之終日不見黑處。又不知寢興變更何如耳。

二十六日晨在床未起。窗前燕子呢喃。似來促人。開窗一望。日光挾湖影山光而來。爲之心曠神怡。乃草草朝食。乘輪遍遊全湖。此湖北瑞南法。故瑞法平分湖權。瑞士稱爲日內瓦湖。法蘭西稱爲麗曼湖。湖形如偃月。東西長七十二啓羅米突。南北最寬處十三零九啓羅米突。面積五百八十啓羅米突。水色碧澄。清秀可愛。

初行北岸瑞境。轉入南岸法境。再行北岸瑞境。共歷十餘城市。至孟塗羅 Montreux。乃由水登陸。乘電車上其山巔。至雪界始止。瞰盡全湖。因此湖在湖中目力所及不能盡也。復至犀永城堡 Chateau Chillon。憑弔愛國男兒波尼伐得 Bonivard。追尋羅馬戰爭古蹟。戈矛猶昔。故壘重新。此千餘年臨湖之建築物。將與此湖而並壽。



永 寧 城 堡

傍晚趁輪而歸。抵寓九時矣。是日作
竟日湖游。覺此湖之美。光映朝陽。則
金龍萬道。影澄夜月。則白練平鋪。微
風吹蕩。恍纔羅紋。薄霧輕籠。如蒙紗
幃。加以飛燕差池。浮鷗上下。益增活
潑。而入夜燈光倒影。儼若星羅。則更
有一景。至其沿湖。有城有市。有林有
園。豪華而無塵俗。尤為難能。然皆非
此湖之最勝處。蓋此湖四面環山。層巒
疊嶂。東行則為柏泥斯 Bernese Alps。
南行則為白山。衆山非特高峻。而終年
積雪。尤顯奇形。衆山繞湖如環。而衆
山遂為湖所有。山勢既奇。山脈尤遠。



瑞士日內瓦湖之盧梭島

任擇湖之一處以觀山。山各不同。各有奇境。山境之變無窮。而湖之勝亦無窮。山頂積雪皚皚。山中林木甚青。而積雪之山。有時白雲騰繞。不知是雪是雲。尤不知是山是雲。若落日餘暉。烘映積雪。則向之白者。轉成緋紅。是山之景無窮。而湖之勝更無窮。湖大不難。湖大而清碧難。有名山環之難。有衆名山環之更難。吾於此湖。幾歎觀止。

歸後輿猶未闌。乘月再至湖之西南小島。參觀盧梭 J. J. Rousseau 銅像。盧梭生於日內瓦。地向屬法。故法以爲法人。瑞以爲瑞人。其銅像之標明。則曰日內瓦人。聞盧梭向葬是處。後法人取其遺骨藏之巴黎國葬處。盧梭死而有

知。應悔著書成名。致死後不能正其首丘。

有須注意者。此湖因大。不得已用三四火輪載客歷各城市外。並無其他電船汽船。只有坐四五人之小艇。遊客掉之。滿湖均有。因威西湖勺爾一水。有人在湖中行電船汽船。恐碧澄之水。不久將攪成黃濁。斯時將改湖之名爲塘。而電船汽船一行。小艇撞覆堪虞。尤關生命。

二十七日晨起。本擬遊白山 *mont Blanc*。因特往汽車已滿。乃改遊洛桑 *Lansann*。洛桑在北岸。湖邊瑞士之一州也。人口約有七萬。街市房屋。至爲齊整雅潔。且隨處有公園。適有會事。市上汽車均裝人物遊行。觀者塞途。是處上山頂。亦用電車。其山 *Sigard* 右一帶爲林。步行其中。遊人祇有三五。出林見人正布置大會場。備下午跳舞飲者。乃至山頂一餐館午餐。席在樹下。湖光山色。盡供杯盤。至樂無比。

餐後下山遊街市。則遊人喧囂矣。經過一大學。因往參觀。學生有一千餘人。其美術室。地質室。動物標本室。植物標本室。以余所見。中國各大學似未有過之者。瑞士人口不過三百餘萬。土地不過一萬餘方哩。開其分二十餘州。當有笑之者。然其一州竟有

如此大學。則吾人應爲愧死。此外尙有理化專門學校。商業專門學校。則未往參觀。

三時有奇。再上山觀其大會。則數百紅男綠女。村嫗野老。飲者飲。跳者跳。別有鄉村風味。又非城市比矣。

再至午餐餐館處。其旁樹林。已滿坐遊人。有鬚髮皆白之老者三。拉風琴。擊鐵叉。唱歌其間以悅客。客與以錢。不問多少。

再遊森林。則遊客滿山滿谷矣。森林中有小塘。塘邊有小動物園。

下午五時有奇。候船者滿岸。半時許渡至南岸法境亞美昂 Brian-les-Bains 乘車環遊一週。此地係法國西南方火車北行終點。亦一耍市。但街道房屋園林。皆不及瑞士境各城市。無怪乎人遊日內瓦湖者。皆云瑞士矣。

乘火車返日內瓦。購一等票。初僅與錫三兩人。至換車時。則二三等客皆擁至一等車。車行亦不準時。儼然吾國之火車矣。

二十八日早乘車遊白山。白山 mont Blanc 在法境。其最高峯一萬五千七百八十一英尺。係阿爾卑斯 Alpes 山之最高峯也。阿爾卑斯東西橫亘。跨意大利。瑞士。法蘭西。



白 山 之 冰 海

奧地利。四國邊境。由白山而東北。蔓延
奧匈北境者曰喀爾巴阡山。再東北途中俄
高原。窩瓦高原。爲烏拉嶺。正東蔓延者
曰達郎西里瓦尼亞山。逾黑海接高加索山
。東南蔓延者曰的那利舍阿爾卑斯山。而
盡於巴爾幹半島。向南蔓延意大利者。曰
亞牛甯山。向西蔓延於西法之間者曰比里
冰牛斯山。東西亘於西之北境者曰坎大布連
海山。是白山爲歐洲之最高山。亦卽羣山之
祖也。因其高大。遂終年積雪。

是早八時有奇。乘汽車往。未幾過法境
。一路皆山。車行其中。初則羣山夾平原
。人家甚多。而雪頂之白山。遠遠在望。

但經路隨時不同。寬窄不一。經過各山。復大小互異。通阻有差。當地勢寬展。山在兩旁。則白山巍然。鎮壓中樞。適當路窄。視線爲遮。則峯巒秀出。高出雲表。有時羣山無阻。則白嶂前橫。有時山峯當面。則銀河分瀉。

車行一時有奇。峯迴路轉。已在山脚。夾谷而行。仰視山腰以上。一白無垠。萬壑千巖。形狀不一。雲騰日炙。氣象更變化無窮。或則石壁高峙。百怪千奇。雪所止處。翠柏密如麥秧。時而三五房屋。點綴其間。時而懸流巨細。發爲奇響。

再行一時有奇。至白山下之沙穆尼峪 *Chamonix* 此處爲改乘上山電車至白山附山處。蓋白山不能登也。因數口前仍降雪。車路爲阻。乃改至柏針山 *Mont d'Aiguille du Midi*。乘懸空電車登山。車懸鐵線上。以電推行于空中。隨山勢而升。下望尙不甚危。至所止處。其上積雪甚厚。不能再升。其下仍白雪布滿。再下始見柏樹如毛。間雜花草。舉目四望。羣山業已如附。唯見無數白髮老人萬頭息坐而已。尙恨未能立馬第一峯。以小天下焉。三時乘車而回。一路山峯如笑。當面迎人。直至六時始行回寓。晚觀戲。無甚高妙技藝。

是日道經一墟。正是墟期。村人赴墟。填滿街市。購買以牛爲多。衣服甚爲儉樸。道旁人家多業農。男女耕種。皆服衣裳。穿革履。非甚忙碌者。且人亦不多。至法境與瑞境較。則園林道路。亦瑞境良于法境。

二十九日參觀日內瓦大學。由其秘書長招待。此校分爲六科。(一)理科(二)文科(三)社會經濟科(四)法科(五)醫科(六)耶穌理教科。此外尚有附屬學院。如理科之化學院。醫科之牙科專門。社會經濟學之商業高等專門之類。

校內職員每二年由教授選舉一次。校長。副校長。祕書長。各科目長各一人。

教授分爲正教授。特別教授。助教授三種。正教授與特別教授之分。非以學問。乃在經驗及服務年期。選舉職員。惟正教授始有被選權。此外有特別講師。係有名學者。于某科擬演講。得校長許可。學生納費自往聽講。其費半歸學校。半歸演講者。現有正教授六十一人。特別教授十一人。助教七人。而講師則至七十八人之多。其薪金正教授每年自九千佛郎至一萬五千佛郎。特別教授每年四千至九千。助教則以鐘點計。(按法國用紙佛郎。一法郎約合中國一毫。瑞士用金佛郎。一佛郎約中國四毫半有奇)

經費每年一百五十萬法郎。政府撥一百二十萬。學費收入三十萬。

學生現有九百餘。最近理科有一百六十餘人。女生有五分之一。文科百人以上。女生過半。社會經濟學百四十人。醫科二百四十餘人。女生均十分之一。據其秘書長云。歐戰前。此校有二千學生。中有俄國六百名。歐東各國三百名。受歐戰影響。今無矣。

常與其秘書長談話時。適一學生至。其秘書長簽一單付之。因告余曰。此校有一特別組織。即學生年納十佛郎保險費。有病者校中每日給予三佛郎。現所付單即是此費。此費取自保險費中。有盈無絀。以後并擬逐漸減少保險費云。再詢其校中更有何特別組織。則云尚有實驗室保險費。學生每年納費四法郎。若因實驗受傷。則醫治悉由學校擔負。此外尚有全國學生所組織之療肺會。現在日內瓦湖山間築有病院。該會年納費五佛郎。有病入院。僅日納費六佛郎半。最特別者。則此病院各大學皆派教授往授課。既免寂寞。又能求學。成績甚佳云。

詢其全國大學情形。則云共有七大學。但各州辦理各不同。至強迫教育。日內瓦州至十五歲。其餘各州祇十三歲云。

此校植物院甚有名。由其科長 Dr Robert Chodat 導觀各處。其科長係海帶專門。發明新海帶三百餘種。其餘各植物發明亦多。院中植物標本室有十間。中有東三省西藏之植物二箱。其圖書館係專藏植物書報。共有七萬本。中有一部。係世界上僅有六部。此其一云。另有關於西藏東三省之書。問何自來。云或購買。或交換。中有關於東三省者。係日本文。爲之汗下涔涔。中國不自理。他人爲理矣。據云伊得某夫人之助。將往中國採取植物。并云植物院以此與維也納爲最良。維也納有一教授。在中國五年。亦專心研究中國植物者。至此院與世界各校。均有交換品。吾國之南京中山大學廈門大學亦在其內。

瑞士以時表著名。市上觸目皆鐘表店。因往購以留紀念。購後并參觀州立之鐘表學校。由其校長及祕書招待。各室由主任教授。逐爲解說。日內瓦製造之鐘表。非經此校驗後。不能出售。學生不多。蓋不能多教也。每級以鐘件分。其最精者。當爲發條。則全女生。據云鐘表有手工有機工。手工良而價昂。至所成表。小者云爲女生所成。意女子較精細也。另有電器機。則非特能表示用電若干。且能按月按時而預計用電。以定貴賤

之價。

日內瓦雖瑞士之一州。地復不寬。然因風景之佳。遊人咸趨。國際聯盟會在此。作國際中樞。尤增價值不少。聞國際聯盟會。現另購此地森林。值佛郎一千九百餘萬。以備另建云。國際聯盟會中有威爾遜之像在。至其民人似甚優秀。復皆有職業。可羨也。

三十日因定赴瑞士國都伯爾尼 Berne。早起收拾行李。繕寫函件。原擬十一時起程。卒因函件未清。至下午二時始乘火車而往。甫上車。覺甚熱。車沿日內瓦湖北岸行。偶念此湖朝景暮景晴景月景。均既領略。雖未目睹降雪。然雪景固歷歷接於眼界。惟有雨景未得一飽眼福。安得沛然下雨。慣盡所欲哉。正一面望湖。一面冥想。乃忽見空中黑雲一片。瞬息展布。日色無光。雷聲隆隆。居然雨下。雜以斜風。但見急雨渡湖。湖隨雨隱。立時湖山藏形。如霧如煙。不辨遠近。直過洛桑。雨始停息。遠望雨未止處。黑雲壓湖。有如紗幃。而陽光照處。則見金光從雲中透出。雨氣映成霞色。此時湖中之水。恍若深黑。山林有似膏沐。向覺熱者。亦轉清冷。爲之狂喜。回憶十五年春。與留法廣大各生。在西湖游春。盤桓數日。細數前後遊西湖三次。晴景雨景風景月景均遇。惟